



KENYATAAN MEDIA KEMENTERIAN PERALIHAN TENAGA DAN TRANSFORMASI AIR (PETRA)

LAWATAN YAB TIMBALAN PERDANA MENTERI MERANGKAP MENTERI PETRA KE INDONESIA PERKUKUH HUBUNGAN DUA HALA DAN KERJASAMA STRATEGIK MALAYSIA-INDONESIA

PUTRAJAYA, 10 FEBRUARI 2026 – Timbalan Perdana Menteri merangkap Menteri Peralihan Tenaga dan Transformasi Air (PETRA), YAB Datuk Amar Haji Fadillah bin Haji Yusof, akan mengetuai delegasi Malaysia dalam lawatan kerja ke Jakarta, Republik Indonesia bermula 10 hingga 12 Februari 2026.

Lawatan ini mencerminkan komitmen berterusan Kerajaan Malaysia untuk memperkukuhkan lagi hubungan dua hala Malaysia–Indonesia, khususnya dalam kerjasama strategik sektor tenaga yang berfokuskan agenda peralihan kepada tenaga bersih dan kelestarian serantau.

Bersempena dengan lawatan ini, YAB Datuk Amar Haji Fadillah dijadual menjadi ahli panel Peringkat Tertinggi ASEAN Climate Forum (ACF), yang bertemakan “ASEAN Climate Diplomacy” pada 11 Februari 2026. Penyertaan Malaysia mencerminkan komitmen padu kepimpinan negara dalam mendepani cabaran perubahan iklim, di samping mengukuhkan peranan sebagai rakan strategik dalam membentuk hala tuju diplomasi iklim ASEAN.

Dalam rangka memperkukuh kerjasama dua hala, YAB Datuk Amar Haji Fadillah dijadual akan mengadakan pertemuan bersama Utusan Khusus Presiden Republik Indonesia bagi bidang tenaga, Bapak Hashim Djojohadikusumo untuk meneroka peluang kerjasama dan pelaburan strategik dalam sektor tenaga mampan.

Sebagai inisiatif mempertingkatkan jalinan hubungan diplomatik, YAB Datuk Amar Fadillah juga dijadualkan menghadiri sesi makan malam dan pertemuan bersama Ketua Majelis Permusyawaratan Rakyat Republik Indonesia, Bapak Ahmad Muzani.

Selaras dengan aspirasi Malaysia MADANI, lawatan kerja ini mencerminkan pendekatan diplomasi sektor tenaga yang progresif serta iltizam Kerajaan untuk memperkukuh kedudukan Malaysia sebagai rakan strategik utama dalam agenda peralihan tenaga dan kolaborasi serantau.

KEMENTERIAN PERALIHAN TENAGA DAN TRANSFORMASI AIR
10 Februari 2026

Unit Komunikasi Korporat | Kementerian Peralihan Tenaga dan Transformasi Air (PETRA)
Tel.: 03-8000 8000 | E-Mel: ukk@petra.gov.my



**MALAYSIA
MADANI**

PETRA

PETRAMALAYSIA
   

visit
Malaysia
2026
Truly Asia